

四庫全書

集部

欽定四庫全書

集部

御定全唐詩卷五百四十二至五

詳校官庶吉士臣胡鈺

主事銜臣徐以坤覆勘

總校官知縣臣繆琪

校對官助教臣汪日贊

謄錄監生臣曹夢齡

欽定四庫全書

御定全唐詩卷五百四十二

紀唐夫

紀唐夫開成中中書舍人詩三首

送友人歸宜春

落花無柳絮無處不紛紛  
遠道空歸去流鶯獨自聞  
野橋喧碓水山郭入樓雲  
故里南陔曲秋期欲送君

驄馬曲

連錢

一作年

出塞蹋沙蓬豈比當時御史驄逐北自諸深

磧路連

一作長

嘶誰念靜邊功登山每與青雲合弄影應

知碧草同今日虜平將換妾不如羅袖舞春風

送溫庭筠尉方城

何事明時泣玉頻長安不見杏園春鳳皇詔下雖霑命

鸚鵡才高却累身且盡

一作飲

綠醺銷積恨莫辭黃綬拂

行塵方城若比長沙路猶隔

一作有

千山與萬津

衷思謙

裴思謙開成登第官衛尉卿詩一首

及第後宿平康里

一作平康妓詩

銀缸斜背解鳴璫小語偷

一作低

聲賀玉郎從此不知蘭

麝貴夜來新染

一作惹

桂枝香

李衢

李衢開成中為屯田郎中詩一首

都堂試貢士日慶春雪

錫瑞來豐歲旌賢入貢辰輕搖梅共笑飛裏柳知春遠

砌封瓊屑依階噴玉塵  
蜉蝣吟更古  
料斗映還新  
鶴毳迷難辨  
冰壺鑒易真  
因歌大君德  
率舞詠陶鈞

李損之

李損之文宗朝進士詩一首

都堂試貢士日慶春雪

春雪晝悠颺  
飄飛試士場  
綴毫疑起草  
霑字共成章  
匝地如鋪練  
凝階似截肪  
鵝毛縈樹合  
柳絮帶風狂  
息疫方殊慶  
豐年已報祥  
應知郢上曲  
高唱出東堂

李景

李景隴西人文宗朝進士詩二首

除夜長安作

一作李京詩

長安朔風起窮巷掩雙扉  
新歲明朝是故鄉何路歸  
鬢絲饒鏡色隙雪奪燈輝  
却羨秦州鴈逢春盡北飛

都堂試貢士日慶春雪

密雪分天路羣才坐粉廊  
靄空迷晝景臨宇借寒光  
似暖花消地無聲玉滿堂  
灑池偏誤曲留硯忽因方幾處

曹風比何人謝賦長春暉早相照莫滯九衢芳

張元

一作宗

張元宗太和時人詩二首

登景雲寺閣

胡馬飲河洛我家從此遷今來獨垂淚三十六峰前

望終南山

紅塵白日長安路馬足車輪不暫閒唯有茂陵多病客

每來高處望南山



李肱

李肱開成二年第一人及第官齊岳二牧詩一首

省試霓裳羽衣曲

開元太平時萬國賀豐歲梨園獻舊曲玉座流新製鳳  
管遞參差霞衣競搖曳醺罷水殿空輦餘春草細蓬壺  
事已久仙樂功無替詎肯聽遺音聖明知善繼

句

水光先見月露氣早知秋

見萬  
花谷

鄭史

鄭史字惟直宜春人開成元年舉進士第國子博士歷  
永州刺史即谷之父也詩三首

永州送姪歸宜春

宋玉正秋悲那堪更別離從來襟上淚盡作鬢邊絲永  
水清如此袁江色可知到家黃菊圻亦莫怪歸遲

秋日零陵與幕下諸賓遊河夜飲

一作宴

湘月蘋風乍暢襟  
燭前江水練千尋  
新秋宋玉能為賦

永夕素安好共吟輦下翠蛾須強展尊中綠蟻且徐斟  
汀沙漸有珠凝露緩棹蘭橈任夜深

贈妓行雲詩

最愛鉛華薄薄妝更兼衣著又鵝黃從來南國名佳麗  
何事今朝在北一作此行

許渥

許渥開成初進士詩一首

紀夢

一作夢入瓊臺逸史渥游河中忽大病  
親友環守三日蹶起取筆大書於壁第二

句云生中惟有許飛瓊明日驚起又取筆改第  
二句兀然如醉良久漸言曰昨夢到瑤臺有仙  
女三百餘人一人自云許飛瓊遣賦詩及成又  
令改曰不欲世間人知有我也既畢甚被賞歎  
若有人導  
引得回

晚入瑤臺露氣清  
天風飛下步虛聲  
塵心未盡俗緣在

十里下山空月明

此首本事詩及唐  
詩紀事並作許渾

牛叢

牛叢字表齡僧孺之子開成初登第歷踐臺省方鎮終

吏部尚書詩一首

題朝陽巖

躡石攀蘿路不迷  
曉天風好浪花低  
洞名獨占朝陽號  
應有梧桐待鳳棲

陳上美

陳上美開成二年登進士第詩一首

咸陽有懷

山連河水碧氛氲  
瑞氣東移擁聖君  
秦苑有花空笑日  
漢陵無主自侵雲  
古槐堤上鶯千轉  
遠渚沙中鷺一羣

賴與淵明同把菊煙郊西望夕陽曛

楊鴻

楊鴻開成二年登進士第詩一首

晴望九華山

九華閒望簇清虛氣象羣峰盡不如惆悵都南挂冠吏  
無人解向此山居

趙璜

趙璜開成三年登第詩四首

正月

正月今朝半陽臺信未迴水芹寒不食山杏雨應開世  
網留三宿真源寄一杯因聲謝猿鳥歲宴會歸來

七夕詩

一作李  
郢詩

烏鵲橋頭雙扇開年年一渡過河來莫嫌天上稀相見  
猶勝人間去不迴欲減煙花饒俗世暫煩雲月掩樓臺  
別時舊路長清淺豈肯離情似死灰

曲江上巳

長堤十里轉香車  
兩岸煙花錦不如  
欲問神仙在何處  
紫雲樓閣向空虛

題七夕圖

帝子吹簫上翠微  
秋風一曲鳳皇歸  
明年七月重相見  
依舊高懸織女機

潘咸

一作咸  
又作誠

潘咸與喻鳧同時集一卷今存詩五首

登明戍堡



來經古城上極目思無窮  
寇盡煙蘿外人歸蔓草中  
峰巒當闕古堞壘對雲空  
不見昔名將徒稱有戰功

送陳明府之任

客見天台縣間樹色間  
驂回幾臨水帶緩獨開山  
吏散落花盡人居遠  
島間過於老萊子端簡獨承顏

長安春暮

客在關西春暮夜還同  
江外已清明三更獨立看花月  
惟欠子規啼一聲

舟行

平沙極浦無人度，猶繫孤舟寒草西。  
半夜起看潮上月，萬山中有一猿啼。

送僧

闕下僧歸山頂寺，却看朝日下方明。  
莫道野人尋不見，半天雲裏有鐘聲。

句

棧踏猿聲暮江看，劍影秋

送人遊蜀

僧老白雲上，磬寒高

鳥邊 心已同猿狖不聞人是非 行人渡流水白馬  
入前山 秋深雪滿黃金塞夜夜鴻聲入漢陽

以上並見主客

圖

薛瑩

薛瑩文宗時人洞庭詩集一卷今存十首

秋晚同友人閒步

藉草與行莎相看日未斜斷崖分鳥道疎樹見人家望  
遠臨孤石吟餘落片霞野情看不足歸路思猶賒

宿仙都觀陰王二君修道處

十載別仙峯峯前千古蹤陰王修道處雲雪滿高松洞  
口風雷異池心星漢重明朝下山去片月落殘鐘

宿東巖寺曉起

野寺寒塘曉遊人一夢分鐘殘數樹月僧起半巖雲宿  
鳥驚初見幽泉落不聞吟餘憑前檻紅葉下紛紛

秋日湖上

落日五湖遊煙波處處愁沈浮千古事誰與問東流

江山閒望

渺渺無窮盡風濤幾日平年光與人事東去一聲聲

訪武陵道者不遇

花發鳥仍啼行行路欲迷二真無問處虛度武陵溪

寄舊山隱侶

舊山諸隱淪身在苦無身莫鎖白雲路白雲多悞人

羨僧

處世曾無著生前事盡非一餅無一衲南北去如歸

錦

軋軋弄寒機功多力漸微  
惟憂機上錦不稱舞人衣

中秋月

三十六旬盈復缺百年堪喜  
又堪傷勸君莫惜登樓望  
雲放嬋娟不久長

句

單棹橫疎雨江灘秋泊時  
花留身住越月遞夢還秦

崔元略

崔元略博州人第進士更辟諸府累遷殿中侍御史進  
中丞改京兆少尹歷散騎常侍出為黔南觀察使敬宗  
初拜戶部侍郎太和二年以戶部尚書判度支留守東  
都改義成節度使卒贈左僕射詩一首

贈毛仙翁

莫將凡聖比雲泥椿菌之年本不齊度世無勞大稻米  
昇天只用半刀圭人間嗟對黃昏槿海上閒聽碧落雞  
旌節行中令引道便從塵外踏丹梯

馮涯

馮涯開成中進士第詩一首

太學創置石經

盧氏雜說云開成中高鉞知舉內出霓裳羽衣曲賦及此詩題

聖唐復古制德義功無替  
興旨悅詩書遺文分篆隸  
銀鉤互交映石壁靡塵翳  
永與乾坤期不逐日月逝  
儒林道益廣學者心彌銳  
從此理化成恩光遍遐裔

御定全唐詩卷五百四十二



欽定四庫全書

御定全唐詩卷五百四十三

喻鳧

喻鳧毘陵人登開成五年進士第終烏程尉詩一卷

贈李商隱

羽翼恣搏扶山河使筆驅月疎吟夜桂龍失詠春珠草  
細盤金勒花繁倒玉壺徒嗟好章句無力致前途

元日即事

飲板賀交親稱觴詎有巡年光悲擲舊景色喜呈新水  
柳煙中重山梅雪後真不知將白髮何以度青春

送賈島往金州謁姚員外

山光與水色獨往此中深溪瀝椒花氣巖盤漆葉陰滿  
湘終共去巫峽羨先尋幾夕江樓月玄暉伴靜吟

送友人罷舉歸蜀

憔悴滿衣塵風光豈屬身賣琴紅粟貴看鏡白髭新棧  
畔誰高步巴邊自問津悽然莫滴血杜宇正哀春

送衛尉之延陵

草木正花時  
交親觸雨辭  
一官之任遠  
盡室出城遲  
乳滴茅君洞  
鴉鳴季子祠  
想知佐理暇  
日有詠懷詩

送越州高錄事

官曹權紀綱  
行李半舟航  
浦溆潮來廣  
川源鳥去長  
筍成稽嶺岸  
蓮發鏡湖香  
澤國還之任  
鱸魚浪得嘗

送潘咸

時時齋破囊  
訪我息閒坊  
煮雪問茶味  
當風看鴈行  
心

齊山鹿逸句敲柳花狂堅苦今如此前程豈渺茫

送友人下第歸寧

紫閣雪未盡杏園花亦寒  
灞西辭舊友楚外憶新安  
細雨猿啼桺微陽鷺起灘  
旋應赴秋貢詎得久承歡

游北山寺

煙岡影畔寺游步此時孤  
庭靜衆藥在鶴閒雙檜枯  
藍峰露秋院灞水入春厨  
便可棲心跡如何返舊途

冬日題無可上人院

入戶道心生茶間踏葉行瀉風瓶水澀承露鶴巢輕閣  
北長河氣窓東一檜聲詩言與禪味語默此皆清

游雲際寺

澗壑吼風雷香門絕頂開閣寒僧不下鐘定虎常來鳥  
啄林梢巢鶻跳竹裏苔心源無一事塵界擬休回

題翠微寺

沿溪又涉巔始喜入前軒鐘度鳥沉壑殿扃雲濕幡涼  
泉隨衆石古木徹疎猿月上僧階近斯遊豈易言

廣德官舍二松

楊公休薄領二木日堅牢  
直甚彰吾節清終庇爾曹  
幽陰月裏細冷樹雪中  
高誰見干霄後枝飄白鶴毛

浴馬

解控復收鞭長津動細漣  
空蹄沈綠玉潤臆沒連錢  
沫漩橋聲下嘶盤柳影邊  
常聞稟龍性固與白波便

和段學士南亭春日對雨

晨飛晚未休蘭閣客吟愁  
蕭颯柳邊挂紫紆花底流聲

繁乍離

一作雜

籟灑急不成漚  
經夕江湖思煙波一釣舟

書懷

祇是守琴書  
僧中獨寓居  
心唯務

一作慕

鶴靜分合與名

疎暮雨啼蜚  
次涼風落木  
初家山太湖  
淥歸去復何如

一公房

幽深誰掩關  
清淨自多閒  
一雨收衆木  
孤雲生遠山  
花萎綠苔上  
鶴乳翠樓間  
嵐靄燃香夕  
客聽半偈還

晚次臨涇

路入犬羊羣城寒雉堞曠居人祇尚武過客謾投文馬  
怯奔渾水鵬沈莽蒼雲沙田積蒿艾竟夕見燒焚

王母祠前寫望

雲霞千古事桃李舊花顏芳信沈青鳥空祠掩暮山香  
傳一座暗柳匝萬家間那復傷神所河昏落日間

遊暖泉精舍

塢木殿前空山河澤國同鳥間沙影上泉落樹陰中纜  
舸蒲花水縈幡柳絮風脩然方寸地何事更悲蓬



懷鄉

秋風江上家釣艇泊蘆花斷

一作古

岸綠楊陰疎籬紅槿

遮黿鳴積雨窟鶴步夕陽沙抱疾僧窗夜歸心過月斜

岫

一作隱

禪師南溪蘭若

錫影配瓶光孤溪照草堂水懸青石磴鐘動白雲牀樹  
色含殘雨河流帶夕陽唯應無月夜瞑目見他方

龍翔寺寄李頻

鐘聲南北寺不道往來遙人事因循過時光荏苒銷懸

燈灑砌雨上閣遠雲鵬即是洲中柳嘶蟬急暮條

送武穀之邠寧

戍路少人蹤邊煙淡復濃詩寧寫別恨酒不上離容燕  
拂沙河柳鷗高石窟鐘悠然一睽阻山疊虜雲一作重

夏日題岫禪師房

朝朝聲磬罷童子掃藤陰花過少游客日長無事心迴  
山閉院直落水下橋深安得閒方便容身老此林

夏日因懷陽羨舊遊寄裴書記

落日太湖西波涵萬象低藕花熏浦淑菱蔓匿鷺樹  
及長橋盡灘迴七里迷還應坐籌暇時一夢荆溪

呈薛博士

辛勤長在學一室少曾開時憶暮山寺獨登衰草臺名  
期五字立迹媿九年来此意今聊寫還希君子哀

即事

抱杖立溪口迎秋看塞門連山互蒼翠二水各清渾笛  
發孤煙戍鷁歸夕照村萋萋芳草色終是憶

一作思

王孫

龍翔寺閣夜懷渭南張少府

春城帶病別秋塞見除書況是神仙吏仍非塵土居  
河風吹鳥迴嶽雨滴桐疎坐閣馳思夕沙東涼月虛

夏日龍翔寺居即事寄崔侍御

古刹一幡斜吹門水過沙數聲鐘裏飯一作鉢雙影樹間

茶落日窮荒雨微風古塹花何當戴芳客復此問生涯

龍翔寺居喜胡權見訪因宿

林棲無異歡煮茗就花欄崔卓北岡一作憲晚僧開西閣

寒衝橋二水急扣月一鐘殘明發還分手徒悲行路難

宿石窟寺

一刹古岡南孤鐘撼夕嵐客閒明月閣僧閉白雲菴野  
鶴立枯枿天龍吟淨潭因知不生理合自此中探

夏日龍翔寺寄張侍御

沙西林杪寺殿倚石稜開曉月僧汲井殘陽鐘殷臺河  
衝綠野去鳥背白雲來日夕唯增思京闕未想迴

秋日將歸長安留別王尚書

朔漠正秋霖西風傳夕砧  
滄州未歸迹華髮受恩心  
露色岡莎冷蟬聲塢木深  
清晨鉄鉞內只獻白雲吟

龍翔寺言懷

眠雲喜道存讀易過朝昏  
喬木青連郭長河白瀉門  
鐘沈殘月塢鳥去夕陽村  
搜此成閒句期逢作者論

龍翔寺居夏日寄獻王尚書

那期高旆下得遇重臣知  
泉石容居止風沙免路岐  
河蕪落洛一作下望句入大荒思  
無復愁煩暑迴山翠一作倚

閣危

題弘濟寺不出院僧

楚鞋應此世祇遶砌苔休色相栽花視身心坐石修聲  
寒通節院城黑見烽樓欲取閒雲並閒雲有去留

寄劉錄事

城西青島寺累夏漱寒泉今在提綱所應難掃石眠風  
沙榆塞迴波浪橘洲偏重整瀟湘棹心期更幾年

酬王檀見寄

馳心棲杳冥何物比清冷夜月照巫峽秋風吹洞庭酬  
難塵鬢皓坐久壁燈青竟晚蒼山詠喬枝有鶴聽

寺居秋日對雨有懷

修修

一作脩脩

復震震黃葉此時飛隱几客吟斷鄰房僧話

稀鴿寒棲樹定螢濕在窓微即事瀟湘渚漁翁披草衣

答劉錄事夜月懷湘西友人見寄

相逢仍朔漠相問即波濤江思葦花折笛聲關

一作邊

月

高簿書君閱倦章句我吟勞竟夕空凭閣長河滯石壕



上高侍御

舊隱白雲峯生涯落葉同關河一棲旅楊柳十東風迹  
處龍鍾內聲居汨沒中酬恩若有地寧止殺微躬

冬日寄友人

空為梁甫吟誰竟是知音風雪坐閒夜鄉園來舊心滄  
江孤棹迴落日一鐘深君子久忘我此誠甘自沈

冬夜宿余正字靜恭里閑居

每來多便宿不負白雲言古木朔風動寒城疎雪翻微

燈懸刻漏舊夢返湘沅先是琴邊起知為閭務繁

得子姪書

遠書來阮巷闕下見江東不得經史力枉拋耕稼功鴈  
天霞脚雨漁夜葦條風無復琴栢興開懷向爾同

獻知己

亦忝受恩身當殊投刺新竟蒙分玉石終不離埃塵大  
谷非無暖幽枝自未春昏昏過朝夕應念苦吟人

贈張漬處士

露白覆棋宵林青讀易朝道高天子問名重四方招許  
鶴歸華頂期僧過石橋雖然在京國心跡自逍遙

早秋寺居酬張侍御六韻見寄

六十上清冥曉絨東越藤山光紫衣陟寺影白雲凝濕  
葉起寒鳥深林驚古僧微風窗靜展細雨閣吟登清韻  
嶽磬遠佳音湖水澄却思前所獻何以牙冠稱

和段學士對雪

盈尺知豐稔

一作歲

開窓對酒壺飄當大野匝灑到急流

無密際西風盡凝間朔氣扶乾推烏棲拚冷射夜殘鑪  
替月澄斜漢無沙攪北湖慙于郢客坐一此調已歛

監試夜雨滴空階

霎霎復淒淒飄松又灑槐氣濛蛛網檻聲疊蘚花階古  
壁青燈動深庭濕葉埋徐垂舊鴛瓦競歷小茅齋冷與  
陰蟲間清將玉漏諧病身唯展轉誰見此時懷

春雨如膏

幕幕歛輕塵濛濛濕野春細光添柳重幽點濺花勻慘

淡游絲景陰沈落絮辰迴低飛蝶翅寒滴語禽身灑岳  
推餘雪吹江疊遠蘋東城與西陌晴後趣何新

送友人南中訪舊知

春盡大方遊思君便白頭地蒸川有毒天暖樹無秋水  
急三巴險緩分五嶺愁為緣知己分南國必淹留

玄都觀李尊師

絳幘翠髯公存思古觀空晚壇檉葉露晴圃柳花風壽  
已將椿並碁難見局中何當與高鶴飛去海光中

送石賁歸吳興

同志幸同年高堂君獨還  
齊榮恩未報共隱事皆閒  
訪寺臨江岸開樓見海山  
洛中推二陸莫久戀鄉關

感遇

江鄉十年別京國累日同在客  
一作容幾多事俱付酒杯  
中

晚思

鶴下紫閣雲沈沈翠微雨獨坐正無言  
孤莊一聲杵

贈空禪師

虎見修行久松知夏臘高  
寒堂坐風雨瞑目尚波濤

西山寒日逢韋侍御

獬豸霜中貌龍鍾病後顏  
慘傷此身事風雪動江山

題禪院

無花地亦香有鶴松多直  
向此奚必孤山僧盡相識

驚秋

鶯轉纔聞關蟬鳴旋蕭瑟

一作

眉如何兩鬢毛不作千枝

雪

經劉校書墓

遠家松回曲渚風一官閒是校書終霜情月思今何在  
零落人間策子中

蔣處士宅喜閑公至

絕杯夏別螺江渡單鉢春過處士齋  
嘗茗議空經不夜  
照花明月影侵堦

絕句

一作憶友人



銀地無塵金菊開紫梨紅棗墮莓苔一泓秋水一輪月  
今夜故人來不來

句

顏周明鏡覺思苦白雲知  
滄洲迷釣隱紫閣負僧期

見張為  
主客圖

御定全唐詩卷五百四十三

欽定四庫全書

御定全唐詩卷五百四十四

劉得仁

劉得仁貴主之子長慶中即以詩名自開成至大中三  
朝昆弟皆歷貴仕而得仁出入舉場三十年卒無成集  
一卷今編詩二卷

聽歌

朱檻滿明月美人歌落梅忽驚塵起處疑是有風

一作有鳳

飛來一曲聽初徹幾年愁暫開東南正雲雨不得見陽臺

青龍寺僧院

常多簪組客非獨看高松此地堪終日開門見數峰苔  
新禽跡少泉冷樹陰重師意如山裏空房曉暮鐘

夏夜會同人

沈沈清暑夕星斗灑虛空岼幘栖禽下烹茶玉漏中形  
骸忘已久一作細故偃仰一作塞趣無窮一作愚求日一作自汲泉

來漱微開密篠風

遊崔監丞城南別業

門與青山近青山復幾重雪融皇子岍春浥一作潤翠微

峯地有經冬草林無未老松竹寒溪隔寺晴日直聞鐘

答韋先輩春雨後見寄

風散五更雨鳥啼三月春軒窗透初日硯席絕纖塵帝

里一作峰頭出鄰家一作樹色新憐君高且靜有句寄

閒人

題吳先生山居

先生此幽隱便可謝人羣  
潭底見秋石樹間飛霧雲  
山居心已慣俗事耳憎聞  
念我要一作自多疾開爐藥許分

晚遊慈恩寺

寺去幽居近每來因採薇  
伴僧行不困臨水語忘歸  
磬動青林晚人驚白鷺飛  
堪嗟浮俗事皆與道相違

題王處士山居

茅堂入谷遠林暗絕其鄰  
終日有流水經年無到人  
溪

雲常欲雨山洞別開春自得仙家術栽松獨養真

宿僧院

禪地

一作定  
又作寂

無塵夜

一作地

焚香話所歸樹搖幽鳥夢螢

入定僧衣破月斜天半高河下露微翻令嫌白日動即  
與心違

曉別呂山人

疎鐘兼漏盡曙色照青氛  
栖鶴出高樹山人歸白雲月

盈明

一作期

重宿丹竈

一作就

約相分羨入秋風洞幽泉仔

細聞

送知全

一作金

禪師南遊

師譽振京城談空萬乘聽北行山已雪南去木猶青夜  
嶽禪銷月秋潭汲動星迴期不可定孤鶴在高冥

上張水部

出入門闌久兒童亦有情不須將姓字長說向公卿每  
許連牀坐時容並馬行恩深轉無語懷抱自分明

塞上行作



鄉井從離別窮邊觸目愁生人居外地塞雪下中秋鴈  
舉之衡翅河穿入虜流將軍心莫苦向一作到此取封侯

贈江夏盧使君

詩人中最屈無與使君儔白髮雖求退明時合見收登  
山猶自健縱酒可多愁好是能騎馬相逢見鄂州

冬夜寄白閣僧

營營不自息睽闊數年情林下期難遂人間事旋生鳥  
棲寒水迎月映積水清石室焚香坐懸知不一作笑為名

送姚合郎中任杭州

水陸中分程看花一月行會稽山隔浪天竺樹連城候  
吏齋魚印迎船載旆旌渡江春始半列嶼草初生

西園

夏圃秋

一作晚

涼入樹低逢幘欹水聲翻敗堰山翠濕疎

籬綠滑莎藏徑紅連

一作繁

果壓枝幽人更何事旦夕與

僧期

昊天觀新栽竹

清風枝葉上山鳥已栖來根別古溝岬影生秋觀苔徧  
思諸草木惟此出塵埃恨為移君晚空庭更擬栽

晚步曲江因謁慈恩寺恭上人

豈曰趣名者年年待命通坐令青嶂上興起白雲中岸  
浸如天水林舍似雨風南宗猶有碍西寺問恭公

送姚處士歸亳州

白髮麻衣破還譙別弟迴首垂聽樂淚花落待歌杯石  
路尋芝熟柴門有鹿來明王下徵詔應就碧峰開

寄樓子山雲棲上人

一室鑿崔嵬危梯疊蘚苔永無塵事到時有至人來澗  
谷冬深靜煙嵐日午開修身知得地京寺未言迴

秋夜喜友人宿

莫說春闈事清宵且共一作但醉吟頻年遺我輩何有一作日

遇知音

一作值公心

逼一作通

曙天傾斗將寒葉墜林無將一作

為簪紱意祇損壯夫心

一作從古貴知音

秋日同僧宿西池

菡萏遍秋水隔林香似焚僧同池上宿霞向月邊分渚

鳥

一作岸鷺  
一作峯鶴

栖蒲立城砧接曙聞來宵莫他約一作宿重

此話孤雲

宿韋津

一作律

山居

永夕見招宿詩書盈

一作滿

草堂靜吟傾美

一作藥

酒高論

出名場窗颯松篁韻庭魚雪月光心期身未老一去泛

瀟湘

夜攜酒訪崔正字

只應芸閣吏知我僻兼愚吟興忘飢凍生涯任有無  
雲埋遠岫陰吹吼寒株忽起圍爐思招攜一作攜來酒滿壺  
送蔡京東歸迎侍

高堂惟兩別此別是榮一作有成歸薄俸迎親遠平時知己

一作雄稀鄆郊秋木見魯寺夜鐘微近臘西來日多逢

霰雪飛

中秋

塵裏兼塵外咸一作皆期此夕明一年惟一度一作夕長恐

有雲生露洗微埃  
盡光濡是物清朗吟省正好惆悵又  
西傾

池上宿

事事不求奢  
長吟省嘆嗟  
無才堪世棄  
有句向誰誇  
老樹呈秋色  
空池浸月華  
涼風白露夕  
此境屬詩家

秋夕即事

永夕坐暝久  
蕭蕭一作不聞猿  
欬啼漏微  
砧韻隔月  
落斗杓  
低危葉無風墜  
幽禽並樹栖  
自憐在岐路  
一作無援者不醉

亦沉

一作甘迷  
與路歧

晚夏

日夕是西風流光半已空  
山光漸凝碧樹葉即翻紅  
學淺慙多士秋成羨老農  
誰憐信公道不泣路岐中

夏日即事

到曉改詩句四鄰嫌苦吟  
中宵橫北斗夏木隱栖禽  
天地先秋肅軒窗映月深  
幽庭多此景惟恐曙光侵

夏日通濟里居酬諸先輩見訪



君子遠相尋，聯鑣到敝林。有詩誰索一作難疾，和無酒可賒。

一作徐斟門列一作對晴峰，色堂開古木。陰何因駐，清聽惟

恐日西沈。

### 寄姚諫議

鳴鞭靜路塵，籍籍諫垣臣。函疏封還密，爐香侍立親。篋多臨水作，窓宿卧雲人。危坐開寒紙，燈前起草頻。

### 和厲玄侍御題戶部相公廬山草堂

白雲居創畢，詔入鳳池年。林長雙峰樹，潭分並寺泉。石

溪盤鶴外岳室閉  
猿前柱史題詩後  
松前更肅然

題山中故靜禪師

寂滅身何在  
門人隔此身  
影懸塵已厚  
塔種柏初成  
溪院秋先雪  
山堂古有精  
當時挂錫處  
樹老幾枝傾

夏日遊慈恩寺

何處消長日  
慈恩精舍頻  
僧高容野客  
樹密絕鷲塵  
閒上凌虛塔  
相逢避暑人  
却愁歸去路  
馬迹並車輪

題終南麻先生寂禪師石室

因

一作同

居石室貧五十二迴春擁褐冥

一作忘

心客窮經

暮齒人翠沈空水定雨絕片雲新危細秋峯徑相隨到

頂頻

送靈武朱書記

靈帥與誰善得君賓幕中從容應盡禮贊畫致元功連  
塞雲長慘纔秋樹半空相如偏自慙掌記復乘驄

弔草堂禪師

杖履疑師在房闌四壁蛩貯瓶經臘水響塔隔山鐘乳

鴿沿苔井

一作熊客  
收林果

齋後散雪峰如何不相見

一作性倚

徧寺前松

一作星下  
哭雙松

早春送湘潭李少府之任

柳新春水湄春岸草離離祖席觴云

一作酒忽盡離行一作人

淚各

一作自

垂業文傳不朽

一作久

作尉豈多時公退琴堂

上風吹

一作來

斑竹枝

送越客歸

霜薄東南地江楓落未齊衆山離楚上孤棹宿吳西渚

客留僧話籠檻

一作

猿失子啼到家冬即是荷盡若耶溪

送周鉞往江夏

東西南北郡自說偏曾遊人世終多故皇都不少留郢  
城帆過夜漢水月方秋此謁親知去

一作後

聞猿豈解愁

送河池李明府之任

河池安所理種柳與彈琴自合清時化仍資白首吟程  
餘行片月公退入遙林想得詢除

一作

民瘼方稱單父

一作

長施  
父母心

送蔡京侍御赴大梁幕

同城各多故會面亦稀疎及道須相別臨岐恨有餘梁園飛楚鳥汴水走淮魚衆說裁軍檄陳琳遠不如

哭鮑溶

一作容

有感

寥落故人宅今來身已亡古苔封

一作淺

墨沼深竹映

一作

舊書堂秋色池館

一作臺

靜雨聲雲水涼無因展交道日

暮剖心腸

送僧歸玉泉寺

玉泉歸故刹

一作寺

便是僧期亂木孤蟬後寒山絕鳥

時若尋流水去轉出白雲遲見說千峯路溪深復頂

一作

復頂  
危

### 宣義池上

修篁夾綠池幽絮

一作鳥

此中飛何必青山遠仍將白髮

歸鳥啼

一作當時

亦有恨鷗習

一作是日

總無機樹起秋風細西

林磬入微

### 回中夜訪獨孤從事

滿庭霜月魄

一作白

風靜絕纖聞邊境時無事

一作寇

州城

夜訪君擁裘聽塞角酌醴話湘雲贊佐元戎美恩齊十

萬軍

宿宣義池亭

暮色遶柯亭南山幽竹青夜深斜舫月風定一池星島

興無人跡菰蒲有鶴翎此中足吟眺

一作休  
便得

何用

一作必

泛滄溟

送智玄首座歸蜀中舊山



像教得重興因師說大乘從來悟明主今去證高僧蜀  
國煙霞異靈山水月澄鄉閭諸善友喜似一作喜見南能

賀顧非熊及

上一作

第其年內索文章

愚為童稚時已解念君詩及

怪一作

得高科晚須逢聖主

知花前翻有淚鬢上却無絲從此東歸去休為墜葉期

一本截前半

首作絕句

冬日駱家亭子

亭臺臘月時松竹見貞姿林積煙藏日風吹水合池恨

無人此住靜有鶴相窺是景吟詩編一作與秋景真於野客

一作吟詩亦各宜

題邵公禪院

一作冬日題邵公院

無事門闌一作多掩陰階竹掃苔勁風吹雪聚渴鳥啄冰

開樹向寒山得人從瀑布來終期天目老擎錫逐雲回

憶鶴

自爾歸仙後經秋又過春白雲尋不得一作見紫府去無

因此地空明月何山伴羽人終期華表上重見一作略望令

威身

聽夜泉

靜裏層層石，潺湲到鶴林。流出幾洞源，遠歷千岑寒。

助空山月清，兼此夜心幽。人聽達曙相和，一作難罷蘚牀吟。

樂遊原春望

樂遊原上望，望盡帝都一作城。春始覺繁華，地應無不醉。

人雲開雙闕，麗柳映九衢。新愛此頻來，往一作偏多閒。

逐此身

一作閒來  
竟日頻

贈雍陶博士

腹是羣書笥官為六義師情高少塵事朝下足閒時有  
句同人伏無私胄子知漢庭公議在正與觸邪宜

夏日感懷寄所知

了了見岐路欲行難負心趨時不圓轉自古易湮沈日  
正林方合蜩鳴夏已深中郎今遠在誰識爨桐中一作音

陳情上知己

性與才俱拙名場迹甚微久居顏亦厚獨立事多非刻

骨搜新句無人憫  
白衣明時自堪戀  
不是不知一作忘機

秋夜寄友人二首

永夜無他慮  
長吟畢二更  
暗燈搖碧影  
滯雨滴階聲  
道進愁還淺  
年加睡自輕  
如何得深術  
相與捨浮名

所思同海岱  
所夢亦煙波  
默坐看山久  
閒行值寺過  
獨吟黃葉亂  
相去碧峰多  
我一作幸有歸心在  
君行竟若何

寄春坊顧校書

寧因不得志  
寂寞本相宜  
冥一作目冥心坐  
花開花落

一作時數畦蔬甲出半夢鳥聲移只恐龍樓吏一作歸

山又見

一作更違

寄雍陶先輩

久別青雲士幽人分固然愁心不易去蹇步卒難前盡落經霜葉頻陰欲雪天歸山自有限豈待白頭年

對月寄雍陶

圓明寒魄上天地一光中臨水通宵坐知君此興同華凝衣有露靜極樹無風若向湘江見湘江徹一作見底空

寄謝觀

十五年餘苦今朝始遇君無慙於白日不枉別孤雲得  
失天難問稱揚鬼亦聞此恩銷鏤骨吟坐葉紛紛

送鄂州崔大夫赴鎮

廉問帝難人朝廷輟重臣入山初有雪登路正無塵去  
國鳴騶緩輕雲住旆頻千峯與萬木清聽雨情新

送錢給事赴虢州

帝心憂虢俗暫輟掖

一作諫

垣臣疲瘵初承制鄉閭似得

春化成應有瑞位重轉聞貧用作鹽梅日爭迴卧轍人  
送雍陶侍御赴兗州裴尚書命

綸閣知孤直翻論北巷賢且縻蓮幕

一作府

裏會致玉塔

前沫泗秋微動龜蒙月正圓元戎軍務息清句待君聯  
送新羅人歸本國

雞林隔巨浸一住一年行日近國先曙風吹海不平眼  
穿鄉井樹頭白渺瀰程到彼星霜換

一作變

唐家語却生

送車濤

一作傳

罷舉歸山



朝是暮還非人情冷暖移浮生只如此強進欲何為要  
路知無援深山必遇師憐君明此一作理休去不遲疑

送王書記歸邠州

陳琳輕一別馬上意超然來日行煩暑歸時聽早一作早聽

蟬陰雲翳城郭細雨奈山川從事公劉地元戎舊禮賢

送謝觀之劍南從事

迢遞從知己他人敢更言離京雖未臘到府已應暄飛  
急奔行鴈啼酸憶子猿江山無限思君擬共誰論

送顧非熊作尉盱眙

一名兼一尉未足是君仲歷數為詩者多來作諫臣路  
翻平楚潤草帶古淮新天下雖云大同聲一作人有幾人

送高湘及第後東歸覲叔

此去幾般榮登科鼎足名無慙入南卷高價聳東京窗  
對嵩山碧庭來洛水聲門前桃李樹一徑已陰成

送友人下第歸覲

君此卜行日高堂應夢歸莫將和氏淚滴着老萊衣嶽

雨連河細田禽出麥飛到家調膳後吟苦落蟬一作暉

送友人下第歸揚州覲省

新柳間花垂東西京路岐園林知自到寢食計相思雨  
斷淮山出帆揚楚樹移晨昏心已泰蟬發是回時

早行

萬類半已動此心寧自安月沈平野盡星隱曙空殘馬  
渡橫流廣人行湛露寒還思猶夢者不信早行難

通濟里居酬盧肇見尋不遇

衡門掩綠苔樹下絕塵埃偶赴高僧約旋知長者來雲  
山堪眺望車馬必裴回問以何為待一作何以為相得慙無酒  
一杯

贈王尊師

為道常日損尊師修此心挂肩黃布被穿髮白蒿簪符  
札靈砂字絃彈古素琴囊中曾有藥點土亦成金

冬夜與蔡校書宿無可上人院

儒釋偶同宿夜窗寒更清忘機於世久晤語到天明月

倒高松影風旋一聲聲真門猶是幻不用覺浮生

冬日喜同志宿

相逢話清夜言實轉相知共道名雖切唯論命不疑吟  
身坐霜石眠鳥握風枝別憶天台客煙霞昔有期

逢呂上山人

一本無  
上字

塵裏正愁老相逢眼益明從前枉多病此後鮮一作解疎

名古柏今收子深山許事兄長生如有分願逐到蓬瀛

春暮對雨

春暮雨微微翻疑墜葉時氣蒙楊柳重寒勒牡丹遲未  
夕鳥先宿望晴人有期何當廓陰閉新暑竹風吹

長信宮

簾涼秋氣初長信恨何如拂黛月生指解鬟雲滿梳一  
從悲畫扇幾度泣前魚坐聽南宮樂清風搖翠裾

初夏題段郎中修竹里南園

高人遊息處與此曲池連密樹纔春後深山在目前遠  
峰初絕雨片石欲生煙數有僧來宿應緣靜好禪

題景玄禪師院

古僧精進者師復是誰流道貴

一作愧

行無我禪難說到

頭汲泉羸鶴立擁褐

一作龜

老猿愁曾住深山院何如此

院幽

夏日樊川別業即事

無事稱無才柴門亦罕開  
脫巾吟永日著屐步荒臺  
風卷微塵上霆將暴雨來  
終南雲漸合咫尺失崔嵬

寄無可上人

省學為詩日宵吟每達晨十年期是夢一事未成身枉  
別山中客殊非世上人今來已如此須得桂榮新

和范校書贈造微上人

得性見微公何曾執著空修心將佛並吐論與儒通曉  
漱松杉下宵禪雪月中他生有緣會君子亦應同

訪曲江胡處士

何況歸山後而今已似仙卜居天苑畔閒步禁樓前落  
日平沙岼微風上紙鳶靜還林石下

一作

坐讀養生篇



慈恩寺塔下避暑

古松凌巨塔修竹映空廊  
竟日聞虛籟深山只此涼  
僧

真生我靜

一作敬

水淡發茶香坐久東樓望

一作上

鐘聲振

送

一作夕陽

秋晚與友人遊青龍寺

高

一作直

視終南秀西風度閣涼  
一生同隙影幾處好山

光暮鳥投羸木寒鐘送夕陽  
因居話心地川冥宿僧房

春日雨後作

朝來微有雨天地爽無塵北闕明如畫南山碧動人車  
輿終日別草樹一城新枉是吾君戚何門謁紫宸

別王山人

旨甘雖自足未是祿榮親尚逐趨時伴多離有道人山  
居衣以一作似草生寄藥隨一作兼身不食長無疾一作病年

知出一作過十句

贈陶山人

處士例營營惟君縱此生閒能資壽考健不換公卿藥

圃妻同耨山田子共耕定知丹熟後無姓亦無名

御定全唐詩卷五百四十四

欽定四庫全書

御定全唐詩卷五百四十五

劉得仁

禁署早春晴望

一本題上有奉和翰林丁侍郎七字

御林聞有早鶯聲  
玉檻春香九陌晴  
寒著霽雲歸紫閣  
暖浮佳氣動芳城  
宮池日到冰初解  
輦路風吹草欲生  
鴛侶此時皆賦詠  
高山雪在思尤清

山中尋道人不過

年過弱冠風塵裏常擬隨師學鍊形石路特來尋道者  
雲房空見有仙經基於松底留殘局鶴向潭邊退數翎  
便欲此居閒到老先生何日下青冥

贈敬睦助教二首

一作無  
可詩

到來常聽說清虛手把玄元七字書仙籍不知名姓有  
道情惟見往來疎已能絕粒無飢色早晚休官買隱居  
便欲去隨為弟子片雲孤鶴可一作肯相於

街西靜觀求居處不到權門到寺頻禁掖人知連狀薦

國庠官滿一家貧清儀稱是

一作都道

蓬瀛客直氣堪為諫

諍臣自顧無成年漸長報恩惟願殺微身

### 送祖山人歸山

獨來朝市笑浮雲却憶煙霞出帝城不說金丹能點化  
空教弟子學長生壺中瀉酒看雲影洞裏逢師下鶴迎  
料得仙家玉牌上已鐫白日上昇名

### 監試蓮花峰

太華萬餘重岩堯只此峯當秋倚寥泬入望似芙蓉翠

拔千尋直青危一朶穠氣分毛女秀靈有羽人蹤倒影

侵官

一作闕

路流香激廟松塵埃終不及車馬自憧憧

京兆府試目極千里

獻賦多年客低眉恨不前

一作且

此心常鬱矣縱目忽起

然送驥登長路看鴻入遠天古墟煙幕幕窮野草綿綿  
樹與金城接山疑桂水連何當開霽日無物翳平川

尋陳處士山堂

步溪凡幾轉始得見幽蹤

一作地

隱千根樹門

一作房

開



萬仞峰片雲生石竇淺水卧枯松窮谷風光冷深山翠  
碧濃鶴看空裏過仙向坐中途底露秋潭水一作聲微  
暮觀鐘他年來此定異日願相容且喜今歸去人間事  
更事一作慵

題從伯舍人道正里南園

帝里餘新第朱門面碧岑曙堂增爽氣喬木動清陰直  
去親瑤陛朝迴在竹林風流才子調好尚古人心薜荔  
遮窗暗莓苔近井深禮無青草隔詩共白衣吟軒靜留

孤鶴庭虛到遠砧  
掩關裁鳳詔開鏡理瓊簪  
種植今如此塵埃永不侵  
雲奔投刺者日日待為霖

賦得聽松聲

庭際微風動高松韻自生  
聽時無物亂盡日覺神清  
強與幽泉並翻嫌一作疑細雨并拂空一作雲增一作憎鶴唳過

牖合一作入琴聲况復當秋暮  
偏宜在月明不知深澗底  
蕭瑟有誰聽

宿普濟寺

京寺數何窮清幽

一作間

此不同曲江臨閣北御苑

一作水

自牆東廣陌車音急危樓夕景通亂峰沈暝野毒暑過  
秋空幡颺虛無裏星生杳靄中月光籠月殿蓮氣入蓮  
宮綴草涼天露吹人古木風飲茶除假寐聞磬釋塵蒙  
童子眠苔淨高僧話漏終待鳴

一作俄撞

曉鐘後萬井復腫

朧

和鄭校書夏日遊鄭泉

太虛懸畏景古木蔽清陰爰有泉堪挹閒思日可尋來

聞鳴滴滴照竦碧沈沈幾脉成溪壑何人測淺深澄時  
無一物分處歷千林淨溉靈根樂涼浮玉翅禽飲疑蠲  
宿疾見自失煩襟僧共雲前瀨龍和聽一作月下吟疊光  
輕吹動徹底晚霞侵不用頻遊去令君少進心

和段校書冬夕寄題廬山

名高身未到此恨蓄多時是夕吟因話他年必去隨

一本

無此  
四句

嘗聞

一作  
當時

廬嶽頂半入楚江湄幾處懸崖上千尋

瀑布垂爐峰松浙漑湓浦柳

一作  
棹

參差日色連湖白鐘

聲拂浪遲煙梯綠薜荔嶽寺步歌危地本饒靈草林曾  
出祖師石樓霞耀壁援樹鶴分枝細徑縈巖末高窗見  
海涯嵌空寒更極寂寞夜无思陰谷冰埋术仙田雪覆  
芝亂泉禪客瀨一作異迹逸人知蘚室新開竈櫪潭未

了棋如何遂閒放長得在一作

希夷一本止此無空務

漁樵事方無道路悲謝公臺尚在陶令柳潛衰塵外難  
相許人間貴迹遺雖懷丹桂影不忘白雲期仁者終攜  
手今朝預賦詩

書事寄萬年厲員外

帝城皆劇縣令尹美居東遂拜趙張下  
躔離星象中擁歸從北闕送上動南宮  
紫禁黃山遠滄溟素滙通封疆親日月  
邑里出王公賦稅充天府歌謠入聖聰  
土膏寒麥覆人海晝塵蒙解宇松連翠  
朝街火散紅文場新桂茂粉署舊蘭崇  
留客揮盈爵抽毫詠早鴻前騶潘岳貴  
故里邵平窮勸隱蓮峰久期耕樹谷同  
鳬飛將去葉劔氣尚埋豐何必華陰土  
方垂拂拭功

上姚諫議

高文與盛德皆謂古無倫聖代生才子明庭有諫臣已  
瞻龍衮近漸向鳳池新却憶波濤郡來時島嶼春名因  
詩句大家似布衣貧曾暗投新軸頻聞獎滯身照吟清  
夕月送藥紫霞人終計衣門館何疑不化鱗

上翰林丁學士

今代如堯代

徵一作崇

賢察衆情久矚推行寔然後佐聰

明官自文華重恩因顧問生詞人求作稱

一作拜

天子許

和羹御柳凋霜晚宮泉滴月清直廬寒漏近秋燭白麻  
成玉殿移時對金輿數待行賜衣香未散借馬色難名  
時輩何偏羨儒流此最榮終當聞變理寰宇永昇平

二  
一本將後四句  
作下第吟絕句

何處訪岐路青雲但憶歸風塵數年限一作恨門館一生

依外族帝王是中朝親舊一作故稀翻令浮議者不許九霄

飛

山中舒懷寄上丁學士



五字投精鑒慙非大雅詞本求閒賜覽豈料便蒙知幽拙欣殊幸提攜更不疑弱苗須雨長懶翼在風吹礪鋸

端楊葉光門待桂枝計聞塵裏譽因和禁中詩

學士有禁中詩

早春曾命和

### 鶯出谷

東風潛啓物動息意皆新此鳥從幽谷依林報早春出寒雖未及振羽漸能頻稍類冲天鶴多隨折桂人尊前喧一作時有語花裏盡藏身若向穠華處餘禽不見親

哭翰林丁侍郎

相知出肺腑

一作深過等

非舊亦非親每見雲霄侶多揚郤

拙身即期扶泰運

一作巨聖主

豈料哭賢人應是隨先帝依

前作近臣

一本作五律無以下八句

平生任公直愛弟尚風塵宅閑

青松古

一作密

墳臨赤水新官清仍齒壯兒小復家貧惆

悵天難問空流淚滿巾

陳情上李景讓大夫

一被浮名誤旋遭白髮侵  
裴回戀明主夢寐在秋岑  
遇

物唯多感居常只是吟待時鉗定口經事壓低心辛苦

文場久因緣戚里深

親弟大中元年尚主

老迷新道路貧賣舊園

林晴賞行聞水宵碁坐見參龜留閒去問僧約偶來尋  
望喜潛憑鵲娛情願有琴此生如遂意誓死報知音上  
德憐孤直唯公拔陸沉丘山恩忽被蝼蟻力難任作鑒  
明同日聽言重若金從茲更無限翹足俟為霖

和鄭先輩謝秩閒居寓書所懷

西風日夜吹萬木共離披近甸新晴後高人得意時暫

閒心亦泰論道面難欺把筆還詩債將琴當酒資藍衫  
懸竹桁烏帽挂松枝名占文章重官歸諫憲遲生涯貧  
帝里公議到台司室冷沾苔蘚門清絕路歧莫言鄰白  
屋即賀立丹墀豈慮塵埃久雲霄故有期

病中晨起即事寄場中往還

昨日離塵裏今朝懶已成豈能為久隱更欲泥浮名虛  
牖晨光白幽園曉氣清戴沙尋水去披霧入林行疊葉  
孤禽在初陽半樹明桑麻新雨潤蘆荻古波聲易向田

家熟元于世路生病多三徑塞吟苦四鄰驚

悲老宮人

白髮宮娃不解悲滿頭猶自插花枝曾緣玉貌君王寵

一作夢準擬人看似舊時

村中間步

閒共野人臨野水新秋高樹挂清暉不知塵裏無窮事  
白鳥雙飛入翠微

上巳日

未敢分明賞物華十年如見夢中花遊人過盡衡門掩  
獨自凭欄到日斜

省試日上崔侍郎四首

衣上年年淚

一作滴

血痕只將懷

一作幽

抱訴乾坤如今主

聖臣賢日豈致人間一物冤

如病如癡二十秋求名難得又難休回看骨肉須堪恥  
一著麻衣便白頭

戚里稱儒媿小才禮闈公道此時開他人何事虛相指

明主無私不是媒

方寸終朝似火然為求白日上青天自嗟辜負平生眼  
不識春光二十年

秋夜

秋氣滿堂孤燭冷清宵無寐憶山歸窗前月過三更後  
細竹吟風似雨微

長門怨

爭得一人聞此怨長門深夜有妍姝早知雨露翻相悞

只插荆釵嫁匹夫

賈婦怨

嫁與商人頭欲白未曾一日得雙行  
任君逐利輕江海  
莫把風濤似妾輕

寄友人

風颯沈思眼忽開塵埃污得是庸才  
那堪更見巢松鶴  
飛入青雲不下來

晏起



日過辰時猶在夢客來應笑也求名浮生自得長高枕  
不向人間與命爭

馬上別單于劉評事

時太和公主還京  
評事罷舉起職

廟謀宏遠人難測公主生還帝感深天下底平須共喜  
一時間事莫驚心

贈從弟谷

此世榮枯豈足驚相逢惟要眼長青從來不愛三閭死  
今日憑君莫獨醒

別山居

萬壑千巖景象開  
登臨未足又須回  
憑師莫斷松間路  
秋月圓時弟子來

贈道人

長在城中無定業  
賣丹磨鏡兩途貧  
三山來往尋常事  
不省曾驚市井人

對月寄同志

霜滿中庭月在林  
塞鴻頻過又更深  
支頤不語相思坐

料得君心似我心

憶鶴

白絲翎羽丹砂頂  
曉度秋煙出翠微  
來向孤松枝上立  
見人吟苦却高飛

雲門寺

上方僧又起清磬出林初  
吟苦曉燈暗露零一作秋草  
疎舊山多夢到流水送愁餘  
寄寺欲經歲慚無親故書

中秋宿鄧逸人居

偶與山僧宿吟詩坐到明夜涼  
月色秋渴漱泉聲磬木如竿聳  
窗雲作片生白衣閒自貴不揖漢公卿

句

外家雖是帝當路且無親

讀書志

白日只如哭黃泉免

恨無

哭賈島以下吟窓雜錄

身閒甘旨下白髮太平人

同遊

芳草寺見示白雲詩

以下海錄碎事

猶祈啓金口一為動文

權 深山寺路千層石竹杖梭鞋便可登

御定全唐詩卷五百四十五

欽定四庫全書

集部

御定全唐詩卷五百四十八至

詳校官庶吉士臣胡鉉

主事銜臣徐以坤覆勘

總校官知縣臣繆琪

校對官助教臣汪日贊

謄錄監生臣曹夢齡

欽定四庫全書

御定全唐詩卷五百四十六

權審

權審字子詢天水人累官常侍詩二首

題山院

萬葉風聲利一山秋氣寒  
曉霜浮碧瓦落日度朱欄

絕句

得即高歌失即休多悲多恨謾悠悠  
今朝有酒今朝醉

明日愁來明日愁

邢羣

邢羣與杜牧同時官歙州刺史詩一首

郡中有懷寄上睦州員外杜十三兄

城枕溪流更淺斜  
麗譙連帶邑人家  
經冬野菜青青色  
未臘山梅處處花  
雖免嶂雲生嶺上  
永無音信到天涯  
如今歲宴從羈滯  
心喜彈冠事不賒

曹汾

曹汾字道謙河南人歷忠武軍節度觀察等使戶部侍郎詩一首

早發靈芝望九華寄杜員外使君

戴月早辭三秀館  
遲明初識九華峰  
嵯嵯玉劒寒銚利  
裊裊青蓮翠葉重  
竒狀却疑人畫出  
嵐光如為客添濃  
行春若到五溪上  
此處褰帷正面逢

嚴憚

嚴憚字子重吳興人舉進士不第與杜牧游詩一首



落花

春光冉冉歸何處更向花前把一杯  
盡日問花花不語為誰零落為誰開

殷潛之

殷潛之自稱野人與杜牧同時詩一首

題壽筆驛

江東矜割據鄴下奪孤嫠霸畧非匡漢  
宏圖欲佐誰奏書辭後主仗劔出全師  
重襲褒斜路懸開反正旗欲將

苞有截必使舉無遺沈慮經謀際揮毫決勝時園觚當  
分畫前箸此操持山秀扶英氣川流入妙思算成功在  
穀運去事終虧命屈天方厭人亡國自隨艱難推舊姓  
開創極初基總數曾過地寧探作教資若歸新歷數誰  
復顧衰危報德無明道長留識者知

祝元膺

祝元膺句曲人與段成式同時詩三首

送高遂赴舉

句曲舊宅真自產日月英既涵嶽瀆氣安無神仙名松  
桂遷迤色與君相送情

寄道友

兩領凝清霜玉爐焚天香為我延歲華得入不死鄉

夢仙謠

蟾蜍夜作青冥燭

一作鏡

蟬蛸晴為碧落梯好箇分明天

上

一作上天

路誰教深

一作移

入武陵溪

句

霧紋斑似豹水力健如龍

見張為主客圖

彭蟾

彭蟾字東蟾好學不仕詩一首

賀鄧璠使君正拜袁州

六年惠愛及黎甿大府論功俟陟明尺一詔書天上降  
二千石祿世間榮新漆畫戟門增峻舊躡青雲路轉平  
更待皇恩醒善政碧油幢到郡齋迎

王樞

王樞浙西湖州郡判官詩一首

和嚴憚落花詩

花落花開人世夢衰榮間事且持杯春風底事輕搖落  
何似從來不要開

張希復

張希復字善繼常山人歷官集賢校理學士詩一首

詠宣律和尚袈裟

共覆三衣中夜寒披時不鎮尼師壇無因蓋得龍宮地

畦裏塵飛葉相殘

錢可復

錢可復起之孫累官禮部郎中鄭注鎮鳳翔朝選充副  
使注敗遇害詩一首

鶯出谷

玉律陽和變時禽羽翮新載飛初出谷一嚙已驚人拂  
柳宜煙暖衝花覺露春搏風翻翰疾向日弄吭頻求友  
心何切遷喬幸有因華林高玉樹棲託及芳晨

張鷟

張鷟開成中人詩一首

鷟出谷

弱柳

一作實

隨傳匹遷鷟正及春乘風音響遠映日羽毛

新已得辭幽谷還將脫俗塵  
鷟方可靠燕雀迴無鄰  
遊止知難屈翻飛在此伸  
一枝如借便終冀託深仁

劉莊物

劉莊物開成中人詩一首

鶯出谷

幸因辭舊谷從此及芳晨欲語如調舌

一作求友

初飛似畏

人風調歸影便日煖吐聲頻翔集知無阻  
聯綿貴有因  
喜遷喬木近寧厭對花新堪念微禽意關關也愛春



欽定四庫全書

卷五百四十六

御定全唐詩卷五百四十六

欽定四庫全書

御定全唐詩卷五百四十七

朱景玄

朱景玄會昌時人官至太子諭德詩一卷今存十五首

題呂食新水閣兼寄南商州郎中

丹檻初結構孤高冠清川  
庭臨谷中樹簷落山上泉  
曉色挂殘月夜聲雜繁絃  
青春去如水康樂歸何年

華山南望春

靈嶽多異狀，巉巖出虛空。  
閒雲戀巖壑，起滅蒼翠中。  
皓氣澄野水，神光秘瓊宮。  
鶴巢前林雪，瀑落滿澗風。  
春盡花未發，川迴路難窮。  
何因著山屐，鹿跡尋羊公。

水閣

樓居半池上，澄影共相空。  
謝守題詩處，蓮開淨碧中。

迎風亭

山雨留清氣，溪颺送早涼。  
時回石門步，階下碧雲光。

雙楮亭

連簷對雙樹冬翠夏無塵未宜慙桃李成陰不待春

蓮亭

回塘最幽處拍水小亭開莫怪闌干濕鷓鴣夜宿來

中峯亭

中峰上翠微窗曉早霞飛幾引登上屐春風踏雪歸

飛雲亭

上結孤圓頂飛軒出泰清有時迷處所梁棟曉雲生

四望亭

高亭羣峰首四面俯晴川每見晨光曉階前萬井煙

望蓮臺

秋臺好登望菡萏發清池半似紅顏醉凌波欲暮時

茶亭

靜得塵埃外茶芳小華山此亭真寂寞世路少人間

宿新安村步

浙浙寒流漲淺沙月明空渚徧蘆花離人偶宿孤村下

永夜聞砧一兩家

遠聞本郡行春到舊山二首

一身從宦留京邑五馬遙聞到舊山  
已領煙霞光野徑深慚老幼候柴關

清風借響松筠外畫隼停暉水石間  
定掩溪名在圖傳共知軒蓋此登攀

和崔使君臨發不得觀積雪

貧居稍與池塘近旬日軒車不降來  
一樹瓊花空有待曉風看落滿青苔

句

塞鴻先秋去邊草入夏生

見酉陽雜俎

薛宜僚

薛宜僚會昌中為左庶子詩二首

別青州妓段東美

經年郵驛許安棲一會他鄉別恨迷今日海帆飄萬里  
不堪腸斷對含啼

阿母桃花方似錦王孫草色正如煙不須更向滄溟望

惆悵歡情恰一年

郭圓

郭圓會昌中為劔南節度使李固言從事檢校司門員

外郎詩一首

詠韋臯

宣父從周又適秦昔賢誰少出風塵當時甚訝張延賞

不識韋臯是貴人

張延賞妻苗夫人有鑑特選韋臯為婿延賞悔之不加齒禮後臯持節西

川以代延賞延賞曰吾不識人



崔鉉

崔鉉字台碩博陵人擢進士第累遷翰林學士中書舍人會昌二年拜中書侍郎同中書門下平章事與李德裕不叶罷為陝虢觀察使宣宗初以御史大夫召進尚書左僕射兼門下侍郎尋出為淮南節度使帝餞於太液亭賜詩寵之咸通初徙山南東道荆南二鎮封魏國公詩二首

進宣宗收復河湟詩

邊陲萬里注恩波宇宙羣芳洽凱歌右地名王爭解纒  
遠方戎壘盡投戈煙塵永息三秋戍瑞氣遙清九折河  
共遇聖明千載運更觀俗阜與時和

詠架上鷹

太平廣記云鉉為兒時隨父元畧訪  
韓晉公澆澆指架上鷹令詠鉉吟云

云澆曰此兒可  
前程萬里也

天邊心膽架頭身欲擬飛騰未有因萬里碧霄終一去  
不知誰是解條人

元晦

元晦稹之從子會昌初桂管觀察使終散騎常侍詩二首

越亭二十韻

乏才叨八使徇祿非三顧南服頒詔條東林證迷誤未  
聞述職効偶脫囂煩趨激水濬坳塘緣崖歌磴步西巖  
煥朝旭深壑囊宿霧影氣爽衣巾涼飈輕杖履臨高神  
慮寂遠眺川原布孤帆逗汀煙翻鷗集江樹獨探洞府  
靜恍若倕佺遇一瞬契真宗百年成妄故孱顏石戶啟

杳靄溪雲度松籟韻宮商鴛鴦勢翔遡津梁危約架濟  
物虛舟渡環流馳羽觴金英妬妝嫵茄吟寒壘迴鳥噪  
空山暮悵望麋鹿心低迴車馬路懸冠謝陶令褫珮懷  
疏傅遐想蛻纓綈徒慙卹襦袴福盈禍之倚權勝道所  
惡何必棲禪關無言自冥悟

除浙東留題桂郡林亭

紫泥遠自金鑒降朱旆翻馳鏡水頭陶令風光偏畏夜  
子牟衰鬢暗驚秋西隣月色何時見南國春光豈再游

莫遣豔歌催客醉不堪回首翠蛾愁

句

石靜如開鏡山高若聳蓮  
筍抽玉管花蔓綴金鈿

巖光

亭樓海

虞衡志

路貫

路貫與元晦同登第官桂管觀察副使詩一首

和元常侍除浙東留題

謝安致理逾三載黃霸清聲徹九重猶輟珮環歸鳳闕

且將仁政到稽峯林間立馬羅千騎池上開筵醉一鍾  
共喜甘棠有新詠獨慚霜鬢又攀龍

鄭薰

鄭薰字子溥擢進士第歷宣歙觀察使懿宗初召還太  
常少卿累吏部侍郎進左丞後以太子少師致仕號所  
居為隱巖蒔松于庭號七松處士存詩一首

贈鞏疇

并序

九華處士鞏疇擅玄言之要通易老其於淨名僧

肇尤精達余在句溪時重其能車幣而致之及到  
官舍再說易一說老氏將兒侄輩執卷列坐而傳  
之老氏畢業而寇難作與輩各散去不知其何如  
存耶亡耶余既休居洛師鎖扉獨靜已卯冬十一  
月半雪中有客叩柴門樵童視之走復曰輩處士  
遽下榻開關執手話艱苦輩背簷笈草履杖靈壽  
下笠且哈笑曰聞公恬養澹逸不屑于榮悴故以  
玄成來助成之升榻解笈散四書即易老淨肇也

明日講肇論階前多偃松高桂冰棟墮落有琴瑟  
金石聲理致明妙神骨超爽自謂一時之遇曰與  
故人為徒又意此樂之難偕也遂成二十韻贈之  
密雪松桂寒書窓導餘清風撼冰玉碎階前琴磬聲榻  
靜几硯潔帙散縑緗明高論展僧肇精言資羣生立意  
加玄虛析理分縱橫萬化悉在我一物安能驚江海何  
所動立山常自平遲速不相闕後先徒起爭鏡照分妍  
醜秤稱分重輕顏容寧入鑑鉢兩豈關衡蘊微道超忽



剖鐙音泠泠紙上掣牢鍵舌端搖利兵圓澈保直性客  
塵排妄情有住即非住無行即是行疏越捨朱絃哇淫  
鄙秦箏淡薄貴無味羊斟慙大羹洪遠包乾坤幽宵潛  
沈冥罔煩跬步舉頓達萬里程廬遠尚莫曉隱留曾誤  
聽直須持妙說共詣毗耶城

句

項斯逢水部誰道不關情

御定全唐詩卷五百四十七